



Mani -----  
 Mani -----  
 Mani -----

OLGETA MANMERI I TOKTOK PLANTI LONG MANI. OLGETA MAN I WARI LONG MANI. OL GLASMAN I DRIMAN LONG PAINIM MANI NATING. HAUS ASEMBLI I VOT LONG BASET DISPELA TAIM. EM I MIN OL I TILIMAUT OL MANI YUMI KISIM LONG HAN BILONG AUSTRALIA OL I MAKIM HAMAS MANI LONG DISTRIK BILONG YU? YU LAIK SAVE, ORAIT YU LUKIM PES 4.

## Yumi Win Moa

Tim bilong Papua New Guinea i winim 78 medal long Saut Pasifik Gems. Dsipela taim ol i mekim ol pilai long ailan Tahiti.

Kantri New Caledonia i winim Papua New Guinea na i kisim 95 medal.

Papua New Guinea i gat 160 manmeri long tim bilong en. Ol blakskin inap long 136 na ol waitskin inap long 24. Tim bilong yumi i winim 28 medal gol, 28 medal silva, na 22 medal ain.

Wanpela lokal man bilong Lae, nem bilong em Charlie Martin, em wanpela i winim 6 medal gol na 2 medal silva. Em i save tumas long swim.

Mis Salitia Pipit bilong Madang Tisa Koles i winim 3 medal gol na 1 medal silva, na 1 medal ain. Em i save ran hariap tumas long ol resis.

## Miss Papua New Guinea

Namba wan naispela meri bilong Papua New Guinea em i wanpela meri bilong Bougainville, nem bilong em Theresa Raina. Em i gat 20 krismas na em i wanpela tisa long Bougainville Trening Senta.

Nau ol i kolim em Miss Papua New Guinea 1971.

Namba tu prais i go long Maureen Woo bilong Rabaul.

Tupela meri hia i kisim namba insait long wanpela danis long Lae. Samting olsem 800 pipel i lukim tupela i win.

NOGAT! Dispela dok i no kaikai mani. Em i bringim i go long beng. Em i naispela poto. DISPELA KAIN POTO MIPELA I LAIK BAIM LONG YU. Yu lukim pes 6.



# PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prinim nem bilong yu tru, orait yu raitim arapela nem bilong yu tu.

## Askim Namasu

Dia Edita.- Mi wanpela sumatin bilong Bulolo Vokesenal Skul. Mi laik tok save i go long ol Namasu. Bilong wanem yupela Namasu i save kisim bikpela mani bilong ol pipel, tasol yupela i no save bekim sampela profit, o win mani i kam bek long ol memba pipel? Yupela save tok em i bikpela kampani bilong yumi.

Husat i laik bekim tok bilong mi, em i ken rait i go long Wantok.

B. Kakukson  
Bulolo

## Kaunsil Na Marit

Dia Edita.- Wanpela samting mi lukim i no stret tumas long mi. Em ol kaunsil i save pulim nating ol yangpela meri na givim long man. Bikos em i mas painim senis o senisim narapela meri bilong i kam maritim em. Ol i maritim pikinini o brata o gutpela pren bilong kaunsil. Dispela pasin i kamap planti taim pinis long hap bilong Kombio. Yumi tingting olsem bambai ol kaunsil i bihainim lo tasol i nogut tru.

Na tu ol papamama i save rong long pusim nating pikinini meri i go marit long man na pusim nating pikinini man bilong ol long maritim ol meri. Maski boi i no laik tasol papa o mama i strong. Dispela em i no gutpela pasin ol i save mekim ol i no save bi-

hainim laik bilong boi o gel. Traim na tingting gut long dispela pasin.

Leo Manarip  
Yasip (Is Sepik)

## Klin-Doti

Dia Edita.- Mi laik tokim Humbertine Nuli bilong Botokara olsem mi bin amamas long ritim dispela leta bilong em tasol mi no amamas long we em i putim ol toktok bilong em long leta. Em i tok ol meri Bokovi i klin na mi laik askim em long husat man o meri o hamas pipel olgeta i subim dispela aidia i go long het bilong em na em i telimautim long wold?

Mi ting olsem yumi olgeta pipel long wold yumi i klin o doti na i no gat man o meri i tok i klin olgeta.

Alois Kamu  
Port Moresby.

## Yau i Tait

Dia Edita.- Taim mi stap hia mi save harim planti taim long Redio Bougainville ol man i toktok tumas long ol sotpela samting ol meri i save werim.

Yupela ting wanem ol brata bilong mi. Ia bilong mipela ol meri i tait pinis long harim ol dispela kain toktok bilong yupela.

Wanem? Husat i save toktok long yupela ol man na boi taim yupela i werim ol tait trausis na pens?

Rose Connie Ekanu  
Bougainville.

## Husat Sem?

Dia Edita.- Dispela pasin bilong kilim dai narapela man olsem i save kamap planti taim, long hap bilong Rabaul na tu long Hailans. Olsem wanem ol dispela man i save long lo bilong God, yu no kilim narapela man? Na olsem wanem long lo bilong gavman i no karamapim ol? Husat i sem? Na olsem wanem nau sapos yumi kisim selp gavman o independens? Bambai dispela kantri i kamap gut?

Na olsem wanem long yupela ol wantok, long Rabaul na ol Hailans, yupela i no sem? Husat i laik bekim pas bilong mi bai mi amamas tasol.

Alan Benny,  
Madang.

## Tok Suga

Dia Edita.- Nau mi laik askim yupela ol memba bilong Haus Asembli long wanpela lo hia em memba bilong mipela long Pomio na Kandrian Elektoret, Michael Koriam i tokim mipela long en. Em dispela lo hia:

Taim yumi kisim gavman bilong yumi yet bihain bai Jisas yet i kam daun na i namba wan gavman bilong yumi. Olsem em i mekim bipo pastaim long ol Rom.

Yumi olgeta bai sanap long bik kot tu. Maski yu husat katekis, bisop, kiap, o husat memba bilong Haus Asembli yu mas sanap long kot tu.

Olsem wanem? Yupela olgeta memba bilong Haus Asembli i harim dispela lo tu long miting bilong yupela? O dispela lo bilong Koriam i kam giaman mipela, laka?

Olgeta memba i save

tok tru long samting i go harim long Haus long lo ol i wokim lo Haus, na maski long pu im moa gris na suga i bilong paulim tingti bilong mipela.

Matthias Samonr  
Pomio (Is Nu Britair)

## Ol Saina

Dia Edita.- Mi luk wanpela toktok long Wa tok Nius, yupela i tok tok long ol Saina. Mi amamas tumas long dispela samting. Mi harim yupela o ol i save singa long yuniti long ol kain skin long Papua N Guinea. Na em i no str long yupela i tok lo rausim ol Saina. Sap ol Saina i go bai yupe ol man long taun b baim kaikai we? Mi lukim wanpela stua man bilong Papua N Guinea yet i save rani Na tu no gat stua Australia i bosim i st oltaim long Sarere Sande.

Chris Tek  
Rabaul

## Hambak

Dia Edita.- Mi sa lukim sampela skulme ol i pinis long stend 6 na 5 ol i save hamb tumas long liklik sa bilong ol. Papamama sampela wantok i k askim ol long samting i save tok Inglis taso na ol i save sanap lukluk tasol.

Ol waitman i kam em gutpela ol i save hol han bilong ol na ka saitim mauswara long ol Tasol long papamama wantok ol i mekim ols na mi sem tumas.

Francis Sali  
Wewak

## Pisin Skul

Dia Edita.- Yes ol wantok, mi gat wanpela bikpela wari. Olgeta bikpela man bilong gavman, na memba bilong Haus Asembli. Olsem wanem long olgeta pikinini i stap long viles? Ol i gat wanpela skul, em ol i kolim "Pisin Skul".

Tasol ol namba wan man bilong gavman i ting em i rabis skul, na ol i no save helpim ol long ol samting bilong skul. Sapos ol i no skul bai husat inap long ritim niuspepa Wantok na ol narapela niuspepa i kamap long tok pisin? Husat inap long kaunim ol mani na bisnis bilong ol dispela lain man? Mi ting ol misin tasol i ting long helpim ol dispela pikinini. Ol i salim ol katekis long givim liklik skul long ol dispela pikinini. Tasol em i no wok bilong misin long mekim kain wok olsem. Wok bilong misin long bringim tok bilong God tasol.

Tingting bilong husat i no stret long tok bilong mi, rait tasol long Wantok na mi ken lukim.

Gimbo George  
Madang

## Baim Meri i Gutpela

Dia Edita.- Mi laik bekim tok bilong Joseph Gambrame Heny bilong Nu Briten. Dispela bisnis bilong baim meri mi ting em i gutpela samting tru. Long wanem taim meri i liklik yet papamama tupela i lukaut gut long pikinini bilong ol na hatwok tu, olsem mi ting baim meri i gutpela.

Taim tumbuna bilong yumi i wokim dispela samting bilong papamama bilong yumi, na papamama bilong yumi i soim long yumi gen. Orait dispela samting i mas i stap ol-

sem. Yumi no ken lusim pasin bilong bipo.

Yu no ken bringim pasin bilong narapela kantri, na pogetim pasin bilong yu.

Abdul D. Daure  
Bulolo

## Plisman Mekim Stret

Dia Edita.- Mi laik bekim liklik toktok bilong Narupunaung L. Kagagi bilong Bulolo. Yes, yu tok ol wanskin plisman i save lukim yumi olsem pik na dok. Mi ting dispela tok bilong yu i no kamap liklik. Ol plis i holim lo bilong gavman na i lukautim yumi long hambak bilong yumi. Mi ting ol man i spak long hotel o long nabaut mi ting i gutpela pasin sapos ol plis i kisim ol. Sapos plis i no kisim ol bai ol i wokim bikpela trabel moa.

Medardo L. Vilamur  
Hoskins

## No Wok Long Sande

Dia Edita.- Yes mi bin lukluk insait long taun. Ol bisnismasta i larim ol boi bilong ol i wok long Sande. Olsem mi harim planti man ol i tok. Mi laik wok long Sande na kisim pe. Dispela pasin insait long kantri bilong yumi i no stret: God i mekim olgeta samting, em long 6-pela de em i wok.

Tasol namba 7 de em i no wok. Santuim na blesim olgeta samting i mekim pinis. Sapos masta i gat sampela boi, plis yu no ken larim ol i wok long Sande. Taim yumi dai yumi i no inap karim i go long heven.

Piu Tobias  
Goroka.

## Paspas Gumi

Dia Edita.- Mi lukim wanpela pasin bilong ol man na meri i stap long taun. Olsem wanem ol man i putim raba long han bilong ol? Sapos ol i laik putim samting long han orait mas putim paspas o lalai samting. Em bai i orait. Mi lukim planti manmeri i putim gumi long han bilong ol na i no stret.

Na wanpela samting yu laik putim samting long yau bilong yu. Yu mas putim skin bilong trausel. Yu no ken putim ai bilong botol long yau bilong yu.

Piuto Gorio  
Waria, Morobe

## Wok Bung

Dia Edita.- Long 13/9/71 em i Nesenel De bilong Papua New Guinea i kisim plak bilong yumi, tasol long tingting bilong mi na Petrus Siagru mitupela lukim olsem. Ol Papua New Guinea man, waitman, saina na ol arapela man tu. Long ai bilong mitupela i luk olsem yumi manmeri i olsem bilong wanpela kantri tasol long Papua New Guinea. Mi lukim long dispela de ol waitman na blakskin ol trai hat long graun bilong yumi long Papua New Guinea.

Nau wanpela samting waitskin i no ken tok bilas long blakskin na blakskin i no ken tok bilas long waitskin. Yumi mas wok bung wantaim. Em dispela kain em i pasin nogut long bagarapim sindaun bilong yumi long wanpela kantri olsem.

Yes ol pren nau taim bilong yumi long traim hat long ol kain kain wok na skul. Yupela long ol waitman ol tumbuna bilong ol i trai hat, olsem na ol i kamap gut-

pela long sindaun bilong ol.

Yumi mas sindaun wok wantaim na i luk olsem tu yumi bilong wanpela mama na papa.

T.K. Himup  
Petrus Siagru  
Wewak

## Nupela Bisnis?

Dia Edita.- Hia long Lae taun mi lukim planti Hailans ol i kisim meri bilong ol na pikinini bilong ol i kam long taun na salim nabaut long taun. Olsem ol i salim wanpela bisnis long taun. Na wanpela samting planti ol meri bilong ol i maritim ol waitman. Na ol i tok long kisim selp gavman, na ol Hailans pipel ol i tok ol i no save gut yet long pasin bilong waitman.

Sapos ol i no save long waitman, na bilong wanem ol i salim meri long ol waitman i maritim? Sapos yu i no save long waitman maski yu stap bihain waitman yet i ken pulim yu i kam na lainim pasin long yu.

Vincent F. Paul  
Lae

## Skulmeri Wokmeri

Dia Edita.- Mi no amamas long sampela tisa long pasin bilong ol, i save kisim sampela skulmeri long wokmeri bilong ol long wasim bebi laplap na plet bilong ol.

Mi ting em i no gutpela pasin tru. Mi ting olsem ol i no gat save tru, long wanem ol i save go long skul long wan de, na sampela de ol i save mekim wok bilong tisa. Mi ting olsem papa na mama bilong ol i no amamas.

Jackson Yanmai,  
Marienberg, Is Sepik

# INSAIT LONG OL POLITIK

(1 KAM LONG NEW GUINEA NEWS SERVICE)

## HAMAS MANI BAI I KAM LONG HAP BILONG YU

Olgeta bikpela man i tingting na i toktok yet long ol mani gavman i mas kisim na ol mani bai gavman i tilimaut long dispela yia. Em yumi kolim baset.

Yumi save planti mani i kam pinis long Australia. Tasol planti mani tu gavman bilong yumi long Papua New Guinea i mas painim yet.

Las taim yumi bin tok Australia i givim Papua New Guinea \$128,000,000 (wan handet tupela ten et milion dola). I tru. Tasol Australia i baim planti samting moa olsem ami na nevi na ol balus bilong ol soldia na ol kem na ol haus bilong ol. Olsem na olgeta mani Australia i lusim long dispela kantri i kam inap \$145,000,000 (wan handet fopela ten faiv milion dola). Yu save em i hamas mani? Yu ting pastaim. Em inap long givim yumi olgeta wanpela wanpela manmeri long Papua New Guinea wanpela presen inap long \$58 dola stret. Olsem yu lukim Australia i givim bikpela presen moa.

Tasol dispela bikpela mani i no inap yet. Gavman bilong Papua New Guinea i mas painim narapela \$200,000,000 (tu handet milion dola) moa bilong mekim wok bilong em. Yu save \$200,000,000 em i hamas mani? Sapos gayman i mas takis long yumi long painim dispela mani, bai yumi wanpela wanpela i takis inap long \$80 stret. Sapos mi tok olsem, bai yumi pilim tru em i bikpela mani moa.

Tasol nau yu askim, dispela mani bilong gayman bai i lus we? Bai husat i kisim? Bai mipela long distrik na long hap bilong mipela, mipela bai kisim hamas mani? Orait, nau yumi lukim.

Chimbu	180,000	\$585,411
Isten Hailans	202,000	\$1,228,046
Madang	150,000	\$1,491,171
Morobe	205,000	\$2,630,863
Manus	20,000	\$171,977
Wes Nu Briten	45,000	\$1,813,944
Is Nu Briten	105,000	\$1,391,179
Nu Ailan	50,000	\$478,963
Bougainville	75,000	\$11,909,926

(Long Bougainville ol i kisim \$1,909,926 bilong mekim olkain wok, na \$10,000,000 bilong wokim wanpela wanpela taun long Arawa.)

Orait, nau yumi lukim: Papua i kisim \$9,319,028 na New Guinea i kisim \$28,095,629. Tasol yu lukim hamas man i stap long Papua na hamas long New Guinea. I olsem wanpela wanpela Papua i kisim \$15 na wanpela wanpela New Guinean inap \$17.

Orait, nau wanpela samting moa. Yumi save i gat 19 dipatmen long gavman. Nau yumi laik soim wanpela wanpela dipatmen bai kisim hamas mani bilong wok bilong em.

Em hia:

Dipatmen bilong Namba Wan Gavman	\$7,573,000
Dipatmen bilong Nius na Toksave	\$1,547,000
Pablik Sevis Bot	\$1,490,000
Dipatmen bilong Tresari (mani)	\$3,650,000
Dipatmen bilong Helt (wok dokta)	\$13,913,000
Dipatmen bilong Sosal Developmen	\$12,418,000
Dipatmen bilong ol Wokman	\$944,000
Dipatmen bilong Edukesen (ol skul)	\$20,000,000
Dipatmen bilong Wok Didiman	\$8,178,000
Dipatmen bilong ol Plisman	\$8,483,000
Dipatmen bilong ol Lo	\$4,114,000
Dipatmen bilong ol Bikbus	\$2,379,000
Dipatmen bilong Pos na Telipon	\$7,987,000
Dipatmen bilong Tret na Indastri	\$603,000
Dipatmen bilong Transpot	\$2,821,000
Dipatmen bilong ol Bisnis	\$813,000
Haus Asembli	\$371,000
Dipatmen bilong ol Graun	\$4,826,000
Dipatmen bilong ol Pablik Wok	\$5,820,000
	\$107,930,000

## Papua

Nem bilong Distrik.	Hamas man?	Kisim hamas mani?
Westen	62,000	\$130,572
Saten Hailans	184,000	\$5,531,598
Galp	55,000	\$305,141
Sentral	135,000	\$1,974,118
Noten	58,000	\$885,944
Milne Bay	100,000	\$491,655

## New Guinea


Nem bilong Distrik.	Hamas man?	Kisim hamas mani?
Wes Sepik	100,000	\$484,712
Is Sepik	160,000	\$1,091,050
Westen Hailans	300,000	\$4,818,387

Orait, nau yumi go bek glasim gut ol dispela bikpela namba. Olsem bai yumi ken lukim Gavman i tingting tumas long tripela bikpela samting: long edukesen o wok skul, long ol wok dokta, na long gutpela sindaun bi-

long yumi (sosal developmen).

Sapos yu laik save moa long dispela tok bilong Mani, yu ken askim memba bilong Haus Asembli yu yet yu bin ilektim i go long Port Moresby. Em i tok tru bilong em. Em i save.

# OLGETA HARIM GUT!



Dispela sop pauda, ol i kolim "COLD POWER" i nambawan tru. Em i wasim na rausim tru ol kainkain pipia long ol klös bilong yu.

Dispela sop pauda i gat wanpela kain strongpela marasin long en i save mekim save tru long rausim ol kain pipia – long ol klös.

Yu ken usim wara long tang or long wara nating. Dispela i kol wara. Sop "COLD POWER" i strong moa na i ken rausim ol pipia long klös bilong yu.

## Lainim Wok Didiman

Wanpela New Guinean i wok long Papua New Guinea Developmen Beng i winim wanpela kain setifiket long go long bikpela Teknikal Skul long taun Bangkok long kantri Thailand.

Nem bilong man hia em long Mista Pelis. Em i gat 23 krismas na em i winim skul bilong em long Vudal Agricultural College klostu long Rabaul. Long dispela nupela skul Joseph bai lainim ol bikpela wok didiman.

Long yia 1969 Joseph i pinis long Vudal na inap nau em i bin wok olsem wanpela Asisten Rural Ofisa wantaim Developmen Beng long Rabaul.

## Lektrik Hetman



Mista Akunai

Namba wan gavman, Mista Johnson, i makim Mista John Akunai namba tu komisina bilong Lektrik. Em i namba wan taim wanpela lokal man i kisim dispela ples.

Mista Akunai i gat 53 krismas na em i bilong Gehamo viles klostu long Goroka. Em i bilong Goroka. Em i skul long Rabaul na Kundiawa na em i stap plisman inap long 5-pela yia.

Em i gat wanpela plan-tesin kopi inap long 23

eka. Em i gat wanpela bisnis trak na wanpela fam i gat planti pik.

## Nevi Ofisa

Mista Sevese Raepa bilong Kerema bai lukluk raun long Nu Silan, Bikpela Rip, na Noumea. Em i gat 20 krismas na em i skul long kamap ofisa long Nevi bilong Papua New Guinea.

Mista Sevese em i namba wan lokal krutman i winim Fom 6 na i joinim Nevi.




Mr. Sevese Raepa

## Nupela Kain Skul

Long Port Moresby 22 tisa bilong ol vokesenel senta i statim trening bilong ol. Bai ol i skul inap 15 wik olgeta.

Em i namba wan taim ol dispela kain tisa i kisim skul bilong ol stret. Dipatmen bilong ol teknikal skul i bosim ol.

Long poto yu lukim ol sampela meri i skul long pasin bilong samapim ol nupela klos.



Dispela piksa i soim ol Manus i amamas na i singsing long taim bilong bikpela pesto bilong Nesenel De long Panguna, Bougainville.

# Poto I Bringim Mani!

Yesa, Yesa. Mipela i laik baim poto bilong yu. Tasol mipela i no laikim poto nating bilong pes bilong yu. Nogat.

Mipela i laikim poto bilong naispela ples, bilong naispela pikinini tru, bilong man-meri i stap long wok, bilong ol nupela samting.

Mipela i laikim poto i gat stori insait long en, i gat nius insait long en.

SAPOS MIPELA I PRINIM POTO BILONG YU, BAI MIPELA I SALIM WAN DOLA STRET LONG YU..... Yu ken salim planti poto i kam. I samting bilong yu.

Raitim nem na adres i kam wantaim poto. Salim poto i kam long:

WANTOK, P.O. BOX 298, WEWAK

(Tasol mipela i no ken salim poto i kam bek long yu)

# tok win


*poro i raitim*

Gavman i laik wokim wanpela liklik buk i gat stori na tingting bilong olgeta politikal pati insait long en. Tasol nogut em i putim nem bilong olgeta liklik pati nating. Orait, em i tok olsem: Sapos politikal pati i gat memba tru long 6-pela distrik, em i politikal pati tru. Ol arapela i samting nating, na gavman i no laik raitim stori bilong ol.

Planti man bilong Papua New Guinea i go long skul, tasol inap nau gavman i lusim planti mani tumas long baim rot bilong planti wait-skin saveman. Planti Papuan na New Guinean i hapim save tasol na i giaman i ting ol inap. Sapos ol inap tru, kwiktaim gavman na ol bikpela bisnis i kisim ol.

Long Papua New Guinea i no gat wanpela arapela lain man i save sindaun gut bihainim ol lo, inap long ol Saina. Wataim yu lukim ol i spak o pait o mekim ol pasin nogut?

Yangoru Lokal Gavman Kaunsil i kotim Mathias Aliwan, hetman bilong Peli Asosiesen bilong Maunten Hurun. Ol i tok em i no bin baim kaunsil takis inap 3-pela yia. Poroman bilong em, Daniel Hawina, em tu i kot bikos em i tambuim ol long pamim haus bilong em. Ol mani tupela i bosim i stap yet long ples Marambanja. Em i go inap \$20,000 samting.



## PAPUA NEW GUINEA

LET YOUR MONEY  
MAKE MORE MONEY  
FOR YOU

### INVEST IN PREMIUM SECURITIES

SERIES T15

Each \$10.00 makes \$5.14 over 7 years  
or

Each \$10.00 makes \$3.60 over 5 years  
or

Each \$10.00 makes \$2.10 over 3 years

The longer you hold premium securities the higher your interest income will be and the greater your capital gain. However, securities may be cashed in full (or better) from 1 January, 1972, by giving one month's notice.

#### RISING INTEREST RATES ARE:

6.6% p.a. to 30.6.73

then 6.8% p.a. from 1.7.73 to 30.6.75

then 7.2% p.a. from 1.7.75 to 30.6.78

#### INCREASING CAPITAL GAINS— SECURITIES ARE REDEEMABLE AT:

100% between 1.1.72 and 30.6.73

101% between 1.7.73 and 30.6.75

102% between 1.7.75 and 30.6.78

103% upon maturity on 1.7.78

GUARANTEED BY THE GOVERNMENT OF THE  
COMMONWEALTH OF AUSTRALIA

Applications may be made at any Administration Cash Office,  
Bank or Stockbroker.

Inserted by Authority of the Treasurer.

# NUPELA PASIN BILONG

Goroka Lokal Gayman Kaunsil i win tru. Em i painim wanpela gutpela pasin tru bilong givim gutpela haus i no dia tumas long ol man i sindaun insait long taun. Olsem tasol ol rabis haus bilong ol skwata i ken raus.

Kaunsil hia i wok long sanapim 97 haus long wanpela hap graun em i bin kisim long gayman long Wes Goroka. Kaunsil yet i baim wok na gayman tu i givim \$7,400.

Goroka Kaunsil i statim pinis wanpela bisnis ol i kolim Gihuka Hausing Estet. Em i wanpela lain haus i bung na i kamap nupela taun. Olgeta haus i gat wara i ran long paip, i gat lektrik, na ol man i save mekim wok mumut na wok long rausim olgeta pipia kaikai.

Inap nau ol i wokim pinis 40 haus. I gat tupela kain haus. Wanpela kain i raunpela haus i gat kunai antap na wanpela kain i longpela na i gat kapa antap. Ol bun bilong olgeta haus i bilong ain tasol. Ol banis ol i save wokim long blain mambu. I gat windo na dua yu ken lokim long ki. Ol i lusim \$280 long wokim raunpela haus na \$480 long wokim longpela.

Gutpela aidia bilong kirapim ol dispela kain haus i kam yet long ol tisa na sumatin bilong Kamaliki Vokesenel Training Skul. Ol sumatin i wok long kirapim dispela ol haus. Ol i kisim save na ol i kisim pe tu bilong helpim skul bilong ol.

I gat planti lokal pipel tumas i laik go insait long ol dispela nupela haus. Inap nau 300 i bin askim; na i gat 97 haus tasol. Kaunsil i tok bai ol i mas vot

long husat i ken stap insait long ol nupela haus.


Na ren - o pe bilong sindaun long haus - em i no antap. Nogat. Man i mas tromoim \$1 tasol long wanpela wik bilong raunpela haus; na \$1.50 long wik bilong longpela haus.

Yu lukim:wanpela raunpela haus bai kostim samting olsem \$300. Na sapos dispela man i givim pinis wan dola wan dola long wanpela wanpela wik olsem pe bilong sindaun long haus, bihain pe i bung i kam inap long \$260. Orait nau dispela man i ken tekewe dispela \$260 long dispela \$300 ol i putim olsem prais bilong haus. Olsem nau em i mas tromoim \$40 tasol na haus i bilong em stret.

I wankain tu long ol longpela haus, tasol ol i kostim samting olsem \$500. Bihain long 5-pela yia man i bin lusim \$390 long baim sindaun bilong em. Nau em i tekewe \$390 long \$500 na em i mas lusim \$110 tasol na longpela haus i bilong em stret.

Goroka Lokal Gayman Kaunsil i laikim tru dispela nupela aidia o tingting na i askim gayman long kisim sampela hap graun moa long kirapim sampela moa lain haus.


Kas bilong Goroka;



Sampela raunpela haus. Ol i gat bun ain plua simen. Insait i gat ples bilong paia na mambu bilong smok i stap antap tru. Olgeta haus i gat narakain kala long ausait bilong en. Banis ol i wokim long mambu. Rup ol i wokim long kunai ol i pasim pinis long waia bilong banis pik.



Em hia nupela taun ol kaunsila bilong Goroka i w i no gat rabis haus skwata long ples bilong ol.





# ING STRETIM TAUN



Em hia poto bilong longpela haus i gat tupela rum long en. Plua i bilong simen, rup i bilong kapa, banis i bilong mambu. Planti i gat tang wara. Ol man i baim long \$3.00 long fotnait.

Daunbilo: Poto bilong Wes Goroka long hap lokal gavman kaunsil i bin wokim ol nupela haus. Yu lukim lain raupela haus namel, na ol lain longpela haus raun long ol.



Em hia ol sumatin bilong Kamaliki Voksenel Skul i save wokim ol haus. Dispela ol haus i kamap long tingting bilong ol yet. Hia ol i sanap holim wanpela banis bilong longpela haus.

# Nesanel De Resis

Siaman bilong komiti bilong Nesanel De, Mista Percy Chatteron, i teli-mautim ol manmeri i winim resis long raitim ol stori long tok amamas long Papua New Guinea: Em hia:

Namba wan prais bilong ol sumatin bilong ol praimer skul i go long Gabriel Maikau bilong St. Mary's Skul long Ningil (Wes Sepik). Namba tu prais i go long Kapa Veri bilong Turingi Fraimeri Skul long Is Sepik Distrik.

Long hap bilong ol haiskul namba wan prais i go long Apelia Toaritu bilong Utu Haiskul long Kavieng na namba tu prais i go long Basil Tarabu bilong Martyr's Haiskul long Popondetta.

Bilong ol bikskul tru namba wan prais i go long Henry Bi bilong Holy Trinity Tisa Koles, Mt. Hagen. Namba tu prais i go long Peter Mekim bilong Skul ov Veluesen long Rabaul.

Ol sumatin i winim namba wan prais bai i kisim tiket bilong baim ol buk inap long \$20.00. Ol i winim prais namba tu bai i kisim tiket inap \$10.00.

Wanpela wanpela distrik i gat sumatin i win tu. Em ol bai kisim tiket inap long \$2.00. Em hia: John Bop, Holy Trinity Skul, Mt. Hagen (Western Hailans). James Sageli, Pombrut Praimeri, Lorengau (Manus). Nicholas Koanadi, St. Francis Skul, Bundi (Madang). Philip Andrew, Wailigi Praimeri, Bolu Bolu, (Milne Bay). Samson Palume, Manus Haiskul, Lorengau (Manus). Timbi Nugi, Madang Teknikal Skul, (Madang) N.S. Kemung Bumayong Haiskul, Lae (Morobe). Nopi Noki Makap, Mt. Hagen Haiskul, (Western Hailans). Barbara Vihuru, St. Igna-

# SOUTH PACIFIC LAGER



OLTAIM YU TINGTING LONG BIA YU TINGTING LONG SP

## YU KEN KISIM LONG OL HOTEL KLAP NA STUA

tius Haiskul, Aitape (Wes Sepik). Raka Pimi, Kwikila Haiskul, Sentral Distrik). George Binaka, Hagita Haiskul, (Milne Bay). Wambisi Ayove, Madang). Barbara Minino, Komeseal Trening Senta, Konedobu (Sentral Distrik).

Kopral Alphons Saire bilong Aitape i kisim Britis Empaia Medal long han bilong namba wan gavman Mista Johnson. Em i winim dispela medal long wanem em i kalap i go daun long wanpela wara i gat bikpela tait bilong helpim wanpela soldia i laik lus.



# Politik Edukasen

Long Haus Asembli i gat 94 memba. Na ol i gat kain kain wok. Membanating bilong Haus Asembli i gat tripela kain wok. Namba wan: em i insait wantaim ol man i sindaun wokim ol lo bilong kantri. Em i mas lukaut long ol lo i gutpela na ol man bilong distrik bilong em yet i laikim ol.

Namba tu samting em

hia: em i mas helpim ol narapela memba long makim wok bilong ol bilong gavman. Nogut mani i lus nating.

Namba tri samting em i wok bilong memba bilong telimautim long ol man long ilektoret bilong em long ol samting ol i bin mekim long Haus Asembli. Em mas bekim tok bilong ol pipel na bringim ol wari bilong ol i go long

Haus Asembli.

Ol Ofisal Memba. Em hia 10-pela man gavman yet i makim. I no gat man i vot long ol. Nogat. Ol i sanap olsem maus bilong gavman. Dispela lain man i save tumas long pasin bilong ranim Haus Asembli na ol i save moa moa yet long sampela dipatmen bilong gavman. Ol i wok long skulim ol memba long pasin tru bilong ranim ol miting bilong Haus Asembli, na skulim ol long ol lo bilong gavman.

Dispela lain ofisal memba i ken vot tu.

Ol Ministerial Memba.

Em hia 7-pela memba ol arapela memba yet i bin ilektim bilong holim wanpela wok insat long gavman. Ol ministerial memba i gat wok bilong ol narapela memba. Tasol ol tu i bosim wanpela hap bilong gavman. Na ol i sindaun wantaim namba wan gavman long eksekutive kaunsil.


Ministerial Memba em i bosim wanpela dipatmen bilong gavman. Dipatmen i mas bihainim laik bilong Haus Asembli. Na ministerial memba i lukaut long dispela samting.

Ol memba tu i bringim tok na tingting bilong dipatmen bilong ol i kam long Haus Asembli. Tasol ol i no save bosim wok tru bilong dipatmen bilong ol. Ol i olsem narmelman i sanap namel long dipatmen na Haus Asembli.

Pastaim ol 7-pela ministerial memba i kibung wantaim namba wan gavman na 3-pela ofisal memba na Mista Leahy. Ol yet i stiaim wok bilong ol 7-pela dipatmen bai em i bihainim tingting bilong Haus Asembli yet. Bihain long kibung ol i bringim ol aidia bilong ol i kam insait long Haus Asembli. Sapos Haus i vot na i orait long tingting bilong ol, nau tasol ol ministerial memba i ken makim wok stret long dipatmen, bilong ol.

Namba tu Ministerial Memba: Ol man hia i holim wankain wok olsem ol ministerial memba. Ol memba bilong Haus i makim ol tu long bosim wanpela dipatmen. Tasol ol i no insait long eksekutiv kaunsil bilong namba wan gavman. I gat 9-pela namba tu ministerial memba.

## Saun bilong **SANYO** gutpela tumas



Sanyo i ken mekim yu makim draipela redio, stat long 8 transista i go kamap draipela samting tru em inap long kisim stesin long we. **Wonem kain samting yu laikem long harim, Sanyo i gat.**



Soim istap antap emi piksa bilong 11XA853. Emi namba wan 10 transista redio bilong harim tok long olgeta graun. Long han rait emi 8 transista redio ino hevi na isi gutpela redio em bai ktra saun sapos yu kisim long we stesin.

**LUKIM SANYO  
ISTAP LONG STUA  
LONG HAP BILONG YU**

**BRECKWOLDT & CO. (N.G.) PTY. LTD.**

Port Moresby,  
Box 1549,  
Boroko.

Madang,  
Box 185.

Lae,  
Box 557.

Rabaul,  
Box 222.


Mt Hagen,  
Box 237.

Wewak,  
Box 178.

Kieta,  
Box 72.

Yu no ken larim pasin nogut i winim yu. Nogat. Long gutpela pasin yu mas winim pasin nogut.

(Rom 12, 21)



Sampela meri na pikinini bilong Mumeng Sap-distrik i sanap lukim Silas Calep taim em i brotkas i traime nupela redio stesin long Lae. Ol i kolim Redio Morobe. Na em i bin kirapim ol brotkas tru namba wan taim long dispela mun tasol.




**NATIONAL**  
PORTABLE RADIOS



THE NAME IS **NATIONAL**

**NATIONAL** is the best radio  
you can buy. **NATIONAL** is

the best value  
for money.




ASK FOR NATIONAL  
AT YOUR NEAREST STORE.

THE NAME IS **NATIONAL**  
**Burns Philp (N.G.) Ltd.**

for service and real value.

WANTOK - Trinde, Oktoba 6, - Pes 12



Mista Sinake Giregire, Minista bilong ol Pos na Telipon, i opim nupela pos long Daru.

## HAILANS WIVAS

Long Goroka i gat wanela nupela senta bilong helpim ol lokal pipel i save tumas long wokim ol blain na blanket na mat na let bis na paspas samting. Lain man hia ol i kolim Hailans Wivas. Ol i save wok long ol lum - olsem man long piksa hia. Lum em i wanela masin bilong samapim na wokim ol blanket na kain kain blain na mat. Hailans Wivas i gat 23 lum.

Dispela wok samap long lum ol i kolim wiv, na man i mekim dispela kain wok ol i kolim wiva. Ol

man i wok samap long ol lum i ken baim long lum bilong ol stret long mani ol i winim pinis long wok bilong ol. Lum i kostim \$80 inap long \$120.

Dispela senta long Goroka i gat bikpela woksap bilong en ol i wokim long kapa. Katolik misin i givim 4-pela raupela haus long ol bai ol meri i ken kam wokim ol bilum na basket na paspas bis na let bis. Luteran Misin i givim olkain samting bilong wok bis.



Piksa i soim Kongia bilong ples Lufa, em i sindaun wiva wok samap long lum bilong em long Goroka Senta.



# world news

## new u.n. president

Mr. Adam Malik, the Indonesian Minister for Foreign Affairs has been elected President of the United Nations.

Mr. Malik has been Foreign Affairs minister since March 1966.

He was born on July 22 1917 on the island of Sumatra in Indonesia.

## volcano may erupt soon

Honiara: Tinakula, a volcanic island about 70 miles east of Honiara in the British Solomon Islands is expected to erupt any day.

Reports say that the island is covered with smoke and already short eruptions have covered the area with lava.

Attempts to save pigs, dogs, and chickens left by the 160 islanders are useless because of the boiling seas.

The islanders are safe nearby on Santa Cruz

Island which has some high ground to protect them against a possible tidal wave when the volcano finally does erupt.

## hurricane kills 20

China: About 20 people were killed and 72 injured when a hurricane swept across northern Taiwan with heavy rain and winds travelling up to 125 miles per hour.

More than 1000 houses were destroyed and 2000 others badly damaged by floods and winds.

Police say that the worst of the flooding is over but millions of dollars worth of damage has been done.

## ruler travels

Japan: Last week Emperor Hirohito became the first ruling Japanese leader to travel to any other country.

The 70 year old emperor and his wife plan to visit many overseas countries as part of a goodwill tour.



Have you ever seen a giraffe? They are the tallest animals in the world and sometimes measure up to 20 feet high. Giraffes live in Africa and eat the leaves of trees because they have very long necks which can stretch higher than any other animals. They can run very fast.

## no place in secondary schools

Canberra: About 60% of students completing primary education in Papua New Guinea are unable to obtain places in secondary schools.

Mr. Barnes, the Minister for External Territories said there were 223,091 children in primary schools in the Territory. There were about 359,800 children in Papua New Guinea who were aged from 7-12 years.




A father on the island of Bali in Indonesia takes his four children for a drive. Luckily traffic policemen are not very strict in Bali and the motorcyclist doesn't risk getting a ticket.



The animal in the picture above is a monkey. We don't have monkeys in Papua New Guinea but there are many of them in India, Africa and Indonesia. Monkeys are clever and often copy people. This one can even eat an ice cream.

# Bel / Paia Tru



Tupela wik bipo yumi olgeta man meri sumatin i hat wok tru long redi long Nesanel De. Yumi wokim ol kain kain pilai bilong amamas; yumi lotu askim God long helpim kantri bilong yumi; yumi olgeta pasim plak long ka, wilwil, haus, karim plak wakabaut na tingting planti long dispela tok "bung wantaim". Em i as tok bilong Nesanel De.

Tasol mi lukim wanpela samting i no stret tru i kamap long dispela de na mi laik tokaut long dispela samting na krosim ol dispela lain man ol i mekim. Mi tok long dispela pasin planti waitman i mekim long de bilong yumi. Long bikpela taun, mi lukim long ai bilong mi stret, planti waitman i no kamap long ol pilai, lotu, singsing

bilong yumi. Nogat tru. Wan wan man bilong Distrik Ofis i kam, na wan wan man bilong taun. Ol arapela man, nogat tru. Taim mipela i lain long mas mipela i lukim planti ka bilong waitman i spit i go long piknik, wara ski, dring o kain kain pilai bilong ol. Klostu wanpela boi i tromoi ston long ol dispela ka na em i kros i tok olsem: "Yupela masta, olsem wanem? Oltaim yupela i tok olsem, "Papua New Guinea em i kantri bilong yumi olgeta man: Saina, Waitskin, Balkskin, o wanem kain man. Yumi olgeta wan kantri, wan pipel. Yupela no ken toktok nogut long rausim mipela long taim bilong selp-gavman o independens. "Tasol lukim, em i bikpela de bilong yumi

Papua New Guinea na ol waitman i raun long laik bilong ol. Ol i no tingting liklik long bikpela de bilong yumi. Nogat ol i giaman tasol. Ol i no kam long helpim yumi. Ol i kam long pulim mani tasol".

Mipela harim dispela tok na mipela i bel hat tru. Bilong wanem ol waitman na Saina grisim yumi long planti tok na long taim bilong givim respek long plak, na taim bilong bung wantaim, ol i ranawe na bihainim laik bilong ol. Yumi Papua New Guinea tasol i amamas long dispela de na ol arapela man i saksak nabaut.

Dispela kain i mekim bel bilong yumi ol Papua New Guinea i paia tru. Orait, mipela ol Papua New Guinea i laik tok klia. Sapos yupela ol waitman o Saina i laik bung wantaim mipela long bisnis, orait yupela mas bung wantaim mipela long olgeta kain wok o amamas bilong mipela. Sapos yu-


pela i laik bung wantaim mipela long winim mani tasol na givim baksait long mipela long arapela taim, mobeta yupela raus mobeta yu go bek long ples bilong yupela.

Mipela Papua New Guinea i gat bikpela sem na bikpela wari tru long dispela pasin bilong yupela waitman na saina na i no longtaim bai mipela pairap tru long dispela kain. I olsem: sapos yupela tingting tru long Papua New Guinea, sapos yupela laik wanbel wantaim mipela, sapos yupela laik bung wantaim orait yupela ken wok long maus tasol yu mas wok long han wantaim.

Em tasol ol hevi bilong yumi na yumi autim pinis. Yumi tokaut klia. Yumi laikim man i respekim kantri na lo na ol kain kain pasin bilong yumi. Yumi laikim ol man i interes tru long kamapim kantri bilong yumi, bilong helpim yumi long ol kain kain samting bilong yumi. Ol arapela man, mobeta yupela klia.



Samting olsem 200 pipel i sambai long taim ol i opim namba wan taim ples balus bilong Guari long hap bilong Goilala. Dispela ples balus i stap antap tru namel long ol maunten. Ol man bilong ples wantaim ol PWD i wokim.



Long Nesanel De namba wan gavman Mista Johnson i sanap kisim salut bilong ol ami na nevi na ol plisman na gel gait insait long bikpela ples bilai long Port Moresby.



Mis Susan Karike bilong Daru, em yet i wokim plak bilong Papua New Guinea, hia em i haisapim namba wan taim long pesto bilong Nesanel De long Port Moresby.



# Kaunsil hias

## Nu Ailan

Kaunsil long Konos i bin kirapim wanpela nupela maket insait long haus ka bilong kaunsil yet.

Kaunsil hia i save salim timba long ol Japan. Long olgeta 100 supa fit timba ol i save kisim 35¢. Kaunsil i bin brukim olsem: 23¢ i go long ol papa bilong dispela diwai na 12¢ bai i stap long kaunsil yet.

Em i min olsem, taim ol Japan i pinisim olgeta timba long dispela hap ol i gat laisens bilong wokim, bai ol papa bilong graun i kisim samting olsem \$14,000 na Kaunsil inap \$7,000.

Kaunsil i pret liklik nogut ol man i tromoim nating dispela bikpela mani bilong baim ol hap ka na long spak tasol. Ol i laik bai ol i mas baim trakta na trela.

## Port Moresby

Ol ofisa bilong Lokal Gavman Asosiesen em hia: Mr. R. Seeto (Nu Ailan)-presiden wantaim moa Mr. V. Guise (Milne Bay) vais presiden  
Ol memba bilong kaunsil: Mr. O. Oeaka (Galp)  
Mr. D. Sanial (Is Sepik)  
Mr. R. Niniku (B'ville)  
Mr. I. Noruka (Isten Hailans)

Kaunsila Mahiro Kivovia i bin autim tingting bilong em i go long nupela Komisin bilong ol Dring. Em i tok olgeta hotel na haus dring i ken op long ol Mande na Trinde na Fraide tasol. Em tu i laik bai ol i pasim dua long hapas seven long nait. Na ol kampani tu i no ken wokim planti bia tumas. Na

sapos sampela man oltaim ol i spak na pinisim pe bilong ol long dring tasol, orait gavman i mas givim pe i go long hap bilong meri bilong ol pastaim. Mista Kivovia i tok, em yet i no save dring bia.

Mista M. Ling bilong Wes Nu Briten i laik kamapim wanpela nupela pasin bilong ol lokal gavman. Kaunsil i mas helpim ol skul long hap bilong ol. Ol i mas wok wantaim ol dipatmen bilong edukesen long hap bilong ol. Tasol Mista Eupu i tok ol i no ken givim mani. Nogat. Ol i ken givim ol arapela samting olsem wok na diwai na ol samting bilong skul. Tasol mani stret, nogat.

## Lavongai-Manus

I gat planti toktok bilong ol kaunsil bilong Manus Ailan i stap insait long pepa bilong ol, ol i kolim AKUS LAVONGAI. Ol i gat toktok long ol lokal gavman kaunsil, olsem wanem ol i ran, ol gat wanem pawa, ol i mas mekim wanem kain wok, I gat stori bilong ol politik tu. Ol tu ol i putim long pepa ripot bilong ol takis mani bilong ol, bai ol man i ken lukim.

## Asaro-Watabung

Kaunsil hia i bin stapim ol wok long skul long Amiyufa long wanem ol pipel i no laik helpim ol long wok. Ol pipel i no wokim ol blain bilong ol banis bilong skul. Nau kaunsil i wetim tok bilong Edukesen Bot bilong kirapim sampela wok long wanpela arapela hap.

## Lae

Long las miting bilong Lae Taun Kaunsil, olgeta memba i sarap i stap inap 2-pela minit olgeta bilong onaim Mista J. Emanuel, bipo em i kiap bilong Rabaul. Olsem tasol ol i laik tenkyu long ol gutpela wok Mista Emanuel i bin mekim long helpim dispela kantri.

Long wanpela miting bilong ol Lae Taun Kaunsil, Kaunsila Dunasu i tok em i kros tru long ol haus bilong ol wokboi insait long taun. Ol i rabis tru na ol i sting pinis. Planti i gat hul long kapa na long taim bilong ren ol man i mas painim arapela haus bilong slip. Kaunsila Bogagu i helpim tok bilong Kaunsila Dunasu na em i tok: ol wokman bilong Lae i gat haus inap long ol rat na dok tasol.

Lae Taun Kaunsil i laik makim pe bilong ol man i wok mumut na i wok long rausim pipia long taun. Ol i laik bai gavman i orait long ol pipel i mas peim 15¢ olgeta taim ol wokman hia i rausim baket na 11¢ olgeta taim ol i rausim baket pipia kaikai.

## KLASIFAIT

### I GAT WOK

NETIF KAMDAMAN i gat save inap long wokim wanpela klinik na bikpela haus sik.

Salim pas na stori bilong save bilong yu i kam long Catholic Mission, Seim/Nuku, via Wewak.

### PABLIK NOTIS

BUK PREA. Yu laikim buk long beten long nait? Salim pas long Booklet, Box 1096, Boroko. Kisim nating.

Wantok Publications  
P.O. Box 298, Wewak, i wokim, na Wirui Pres long Wewak i prinim.

KRISTEN PRES i wokim kain kain buk bilong strongim bilip na bilong sanapim gutpela pasin na sindaun na bel isi bilong ol manmeri na ol pikinini.

Nau yu ken baim 4-pela "Arch Book" long tok Pisin:

Pis I Kisim Jona  
God I Helpim Daniel  
Haus Antap Long Ston  
King Em I Singaut

4-pela Baibel stori bilong ol pikinini.  
Ol papamama i laikim ol tu.

Salim oda i go long:



**KRISTEN PRES**

Sales Division  
The Christian Book Centre  
Box 222, Madang